

Gi-gii-jiita'ogoo na ji-ayaasiwan GOOBID-19? Aaniin enishkaagowaan?



OJIBWÉ OCCIDENTAL / OJIBWE WESTERN



Jiita'ogooyin, gaawiin aapiji GOOBID-19 gi-ga-gichi-inishkaagosiin gaye bizaanigo gi-daa-babaami-ayaa gidazhiikewining.



Giiyaabi dash gi-daa-bizindawaa awe mino-ayaawin gaa-naagajitood (gaa-dananokiiyin, gaa-izhi-boozing). Gi-ga-wiindamaagoom aaniin epiichi-aazhoo'iwegiban.



Niibiwa awiyag omaa Gaanada Akiing aazha aabiding gii-jiita'owag, biinish niizhing ji-jiita'ondwaa. Amii ezhi-ikidong ji-izhichigeng, giiyaabi dash gi-ga-wiindamaagoom apii nawach niibiwa awiyag jiita'ondwaa, ani-agaasiinowaad gaa-aakoziwaad.



Giishpin wii-aakoziyin, da-onizhishin ji-gigishkaman aagwiingwepizon gemaa waawaasa ji-onji-niibawitawadwaa gaa-waabamadwaa awiyag ji-onji-aazhoo'igoosiwan. Gaawiin aapiji gi-daa-aazhoo'igoosii agwajiing ayaayin.

NENARE húko ASÍE NEŁTS'Í

(Hok'it'á begháre ts'edéli k'é hǫgal chu t'aʔú edozelni bek'é hogal)

KAKILE NAÍDÍE T'Á NEHGOR HÍLE HÚKO BEGHÁ T'Á KAKILE NAÍDÍE T'Á NEHGOR

HARELYÚ KAKILE NAÍDÍE T'Á NEHGOR

(Diri k'ezí. T'aʔú dene hígwí hoʔa Canada k'éyághé yuní dighí ch'adhel dzjné húttth'er hots'í)

Giishpin agwajiin wiiijiwidwaa awiyag aazha niizhing gaa-gii-jiita'ondwaa



Daabishkoo gidinawemaaganag agwajiing gaa-dazhi-giizizekweyeg, gi-wiijiwaa-ganag, bagizoyeg zaaga'iganiing, gikinjiinig gidinawemaagan

Gaawiin memwaach aagwiingwepizon ji-ayaayin gemaa waasa ji-niibawiyeg giishpin gakina awiya iwe inenendang ji-doodameg

Gaawiin memwaach aagwiingwepizon ji-ayaayin gemaa waasa ji-niibawiyeg

Biindig ayaayeg igi niizhing gaa-gii-jiita'ondwaa.



Daabishkoo wiidopamadwaa giwiijiwaaganag mazinaatesijigeyeg gichiwinidiyeg agaasiinoyeg.

Bizaanigo giichigoshkan aagwiingwepizon gaye bizaanigo besho wiidabim igi gaa-gii-jiita'ondwaa niizhing. GAYE gaawiin awiya daa-onji-aazhoo'aasii.

Gaawiin memwaach aagwiingwepizon ji-ayaayin gemaa waasa ji-niibawiyeg

Agwajiing wiiijiwidwaa awiyag gaawiin gaa-gii-jiitawaasiwindwaa, aabiding eta gaa-gii-jiita'ondwaa gemaa gaawiin gigikendaziin aaniin gaa-izhichigewaad



Besho wiiji-odaminomad awiya, maawaji'idiyeg giwiijiwaaganag gaye abinoojii odaminoo-maawaji'idiwin agwajiing, gemaa gichi-wiidigendiwin agwajiing

Noongom wiin gigishkan aagwiingwepizon giishpin gashkitoosiwan waawaasa ji-onjigaabawiyeg, giishpin memindage gegoon bakaan inaapineyin

Gaawiin memwaach aagwiingwepizon ji-ayaayin gemaa waasa ji-niibawiyeg

Biindig wiiijiwidwaa awiyag gaawiin gaa-gii-jiita'ondwaa, aabiding eta, gemaa gaawiin gi-gikendaziin aaniin gaa-izhisewaad



Daabishkoo maawaji'idiwaad gemaa biindig dazhi-maawaji'idiwaad awiya dibishkang, gemaa anami'aawaad gemaa gagwejiwaad

Gigishkan aagwiingwepizon gaye waawaasa onji-gaganoonindig

Biminizha'an gaa-inig awe gaa-dibenjiged waakaa'iganing gemaa gaa-niigaaniid ji-onji-manaa-aazhoo'igooyin iwe GOOBID-19

Baakinan waaseniganan gaye ishkwandeman gashkitooyin

Biminizha'an gaa-inig awe gaa-dibenjiged waakaa'iganing gemaa gaa-niigaaniid ji-onji-manaa-aazhoo'igooyin iwe GOOBID-19

Giishpin ayaayin bakaan dinookaan inaapinewin gigishkan aagwiingwepizon gaye waawaasa onji-ganoosh gaa-ayaawaad imaa

Baakinan waaseniganan gaye ishkwandeman gashkitooyin

Biindig gemaa agwajiing baatiinowaad awiyag gaa-maawaji'idiwaad



Daabishkoo niibiwa ayaawaad awiya gaa-dazhi-nagamod, gemaa gaa-odaminowaad, gemaa gaa-maawaji'idiwaad gegoon gaa-inakamigak

Gigishkan aagwiingwepizon

Biminizha'an gaa-inig awe gaa-dibenjiged waakaa'iganing gemaa gaa-niigaaniid ji-onji-manaa-aazhoo'igooyin iwe GOOBID-19

Waawaasa onji-ganoosh awiyag giishpin gashkitooyin iwe ji-doodaman

Izhaan gaa-izhi-baatiinowaad giishpin eta gaa-onizhishing ji-biminizha'igaadeg ji-manaa-aazhoo'igooyin

Giishpin ayaayin inaapinewin godak, gigishkan aagwiingwepizon gaye waawaasa onji-ganoosh awiyag. Aanawi giishpin aakoziwan bakaan aakoziwin, giiyaabi gigishkan aagwiingwepizon biindig dazhi-baatiinowaad awiyag

Biminizha'an gaa-ikidod gaa-dibendang waakaa'igan gemaa gaa-niigaaniid ji-onji-manaa-aazhoo'igooyin GOOBID-19

Bizhishig giziininjiin, aagoonan ososodaman gaye baakinan waaseniganan gemaa agwajiing ayaan. Gaawiin besho gi-daa-wiijiigaabawitawaasiign awiyag giishpin GOOBID-19 aakoziwin inamanji'oyin ji-ayaayin aanawi gaa-gii-jiita'ogooyin.